

ORDENANZA DA TAXA POR DOCUMENTOS QUE EXPIDAN OU DE QUE ENTENDAN O CONCELLO OU AS AUTORIDADES LOCAIS, A INSTANCIA DE PARTE

Artigo 1º. Natureza e fundamento.

No uso das facultades concedidas polos artigos 133.2 e 142 da Constitución, polo artigo 106 da Lei 7/85, do 2 de abril, Reguladora das bases de réxime local, e os artigos 20 e 58 da Lei 39/88, de 28 de decembro, e de conformidade co disposto nos artigos 15 ó 19 da Lei 39/88 citada, acorda a imposición e ordeación da taxa por documentos que expidan ou de que entendan o Concello ou as autoridades locais, a instancia de parte.

Artigo 2.º Feito imponible.

1. Constitúe o feito imponible da taxa a actividade administrativa desenvolvida con motivo da tramitación, a instancia de parte, de toda clase de documentos que expida e de expedientes de que entenda a administración ou as autoridades municipais.

2. A estes efectos, entenderase tramitada a instancia de parte calquera documentación administrativa que fora provocada polo particular ou redunde no seu beneficio, inda que non mediara solicitude expresa do interesado.

Artigo 3.º Suxeito pasivo.

Son suxeitos pasivos contribuíntes as persoas físicas e xurídicas e as entidades a que se refire o artigo 33 da Lei xeral tributaria que soliciten, provoquen ou que no seu interese redunde a tramitación do documento ou expediente de que se trate.

Artigo 4.º Responsables.

1. Responderán solidariamente das obrigas tributarias do suxeito pasivo as persoas físicas e xurídicas a que se refiren os artigos 38.1 e 39 da Lei xeral tributaria.

2. Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei xeral tributaria.

Artigo 5º. Cota tributaria.

1. A cota tributaria determinarase por unha cantidade fixa sinalada segundo a natureza dos documentos ou expedientes a tramitar, de acordo coa tarifa que contén o artigo seguinte.

2. A cota da tarifa corresponde á tramitación completa, en cada instancia, do documento ou expediente de que se trate, desde a súa iniciación ata a súa resolución final, incluída a certificación e notificación ó interesado do acordo recaído.

3. As cotas resultantes por aplicación das anteriores tarifas incrementaranse nun 50 por 100 cando os interesados solicitasen con carácter de urxencia a tramitación dos expedientes.

Artigo 6.º Tarifa.

A tarifa desta taxa será a que figura no anexo.

Artigo 7.º Percepción.

1. Percíbese a taxa e nace a obriga de contribuír cando se presente a solicitude que inicie a tramitación dos documentos e expedientes suxeitos ó tributo.

2. Nos casos a que se refire o número 2 do artigo 2.º, o devengo prodúcese cando teñan lugar as circunstancias que provoquen a actuación municipal de oficio ou cando esta se inicie sen previa solicitude do interesado pero redunde no seu beneficio.

Artigo 8.º Declaración e ingreso.

1. A taxa esixirase en réxime de autoliquidación, e normalmente polo procedemento do selo municipal adherido ó escrito de solicitude da tramitación do documento ou expediente, ou nestes mesmos se aquel escrito non existira, ou a solicitude non fora expresa.

2. Os escritos recibidos polos condutos a que fai referencia o artigo 66 da Lei de procedemento administrativo, que non veñan debidamente reintegrados, serán admitidos provisionalmente, pero non lle poderá dar curso sen que se subsane a deficiencia, e para tal fin se requirirá ó interesado para que, no prazo de dez días, abone as cotas correspondentes; co apercibimento de que, transcorrido dito prazo sen efectualo, teranse os escritos por non presentados e será arquivada a solicitude.

3. O importe desta taxa poderase esixir mediante o pago en efectivo, substituíndose o selo municipal por un recibo duplicado, e un dos exemplares se unirá ó escrito e outro á copia que se devolva ó interesado.

Artigo 9.º Infraccións e sancións

En todo o relativo á cualificación de infraccións tributarias, así como das sancións que ás mesmas correspondan en cada caso, estarase ó disposto nos artigos 77 e seguintes da Lei xeral tributaria.

10º. Beneficios fiscais

Non estarán suxeitos á taxa aqueles contribuíntes nos que conorra algunha das seguintes circunstancias:

1º. Soliciten compulsa de documentos e certificacións requiridos por dependencias municipais do Concello.

2º. Obter o beneficio xudicial de pobreza, respecto aos expedientes que deben surtir efectos, precisamente, no procedemento xudicial no que foran declarados pobres.

3º. Soliciten certificacións ou informes para obter beneficios da administración educativa e para matrícula en centros educativos.

DISPOSICIÓN FINAL

A presente ordenanza fiscal, cunha redacción definitiva aprobada polo Pleno da Corporación en sesión celebrada na data que se expresa no anexo a esta Ordenanza, entrará en vigor o mesmo día da súa publicación no boletín oficial da provincia e será de aplicación a partir do día seguinte á súa publicación no Boletín Oficial da Provincia, permanecendo en vigor ata a súa modificación ou derogación expresas.

ANEXO – TARIFAS

Certificados relativos ao padrón municipal de habitantes

1.1. Posteriores ao 1/5/1996:	4,00 €
1.2. Anteriores ó 1/5/1996, por cada quinquenio un recargo de:	1,00 €
1.3. Outros certificados ou informes:	4,00 €

Fotocopias e compulsas

2.1. Fotocopias de documentos

Por cada páxina A4:	0,10 €
Por cada páxina A3:	0,20 €

2.2. Compulsa de documentos para outras administracións

Primeira páxina:	1,03 €
Por cada unha das restantes:	0,20 €

2.3. Exemplar de ordenanzas, regulamentos e orzamentos:	4,12 €
---	--------

Documentación do punto de información catastral (P.I.C.)

- 3.1. Informes catastrais sobre bens inmobles urbanos ou rústicos,
por documento: 4,12 €
- 3.2. Certificacións catastrais descritivas e gráficas referidas a unha unidade
urbana ou unha parcela rústica, por documento expedido: 16,29 €

Documentos urbanísticos

- 4.1. Tramitación de expedientes ante outras admóns. públicas: 115,99 €
- 4.2. Por cada expediente de declaración de ruínas de edificios: 97,95 €
- 4.3. Por cada expediente de parcelación, segregación, división
ou agrupación: 97,95 €
- 4.4. Por cada certificación ou informe que se expida polos servizos
urbanísticos, solicitada a instancia de parte: 38,66 €
- 4.5. Por expedición de certificacións e informes en expedientes de traspaso,
cambio de titularidade e actividades e similares: 38,66 €
- 4.6. Por cada expediente sobre incoación ou non de expediente de reposición
da legalidade ou sancionador:
- Por vivenda: 38,66 €
- Por local:
- Ata 100 m2 de superficie: 618,60 €
De 101 m2 a 150 m2 de superficie: 773,25 €
De máis de 150 m2 de superficie: 927,90 €
- 4.7. Por declaración de incursión de fóra de ordenación de edificacións
- Vivenda unifamiliar: 120,00 €
Vivenda colectiva e demais: 240,00 €

Outros certificados ou informes

5.1. Certificación de documentos ou acordos municipais

De ata 5 anos de antigüidade:	4,12 €
Superior a 5 anos, por cada quinquenio un recargo de:	1,00 €

5.2. Expedición de informe sobre intervencións ou actuacións da policía local a petición do interesado: 30,00 €

5.3. Expedición de informe da policía local sobre accidentes tráfico: 120,00 €

5.4. Expedición de informe do corpo de bombeiros por incendio: 120,00 €

5.5. Tramitación de expedientes non incluídos noutros apartados: 38,66 €

Dereitos de exame

Solicitud para tomar parte no procedemento de selección e promoción de persoal para prazas encadradas no:

Grupo A:	25,72 €
Grupo B:	17,99 €
Grupo C:	12,89 €
Grupo D:	7,73 €
Grupo E:	5,16 €

Aprobado Pleno de 26.10.11

Última modificación no BOPPO Nº 239 de data 15 de decembro de 2011